

## ARAUTEGI ETA BARNE-ERREGELETARAKO ONARTUTAKO ALDAKETAK

Lehendabizi, zeintzuk artikulua aldatu beharko liratekeen ikusi eta onartu dira Argomaizen, XIV. Barne-Jardunaldietan. Madrilen, Hezkuntza Ministerioan tramitatu behar baitira aldaketok, beharrezko diren bakanak aldatzekoaren alde agertu dira euskaltzainak, «erreforma partziala», alegia.

3, 6, 17, 22 eta 33. artikulua aldatzea onartu da, euskaltzainen adin eta egoeraren ondorioak soluzio bidean jartzeko, Erakundearen lanerako euskaltzainen benetako kopuru «aktiboa», gutxienez 24koa izan dadin.

Euskaltzain emerituak sortzea, onartu da maiatzaren 27an Argomaizen egindako batzarrean, horren berridazketa ekaineko bilkuran berretsiz.

6 eta 13. artikulua aldatzeaz ez zuen inork oharririk egin, argi zegoelako nonbait lehengo garaian idazkariordetza eta kudeaketa esku bereberek zeudelako eta, orain, bi arduradun desberdinen artean banatuta.

Ondorioz, Arautegiaren eta Barne-Erregelen testuak honela onartu dira.

*Bilbon, 2005.eko ekainaren 23an.*

Jose Luis Lizundia Askondo, Lege azpibatzaile idazkari eta ponentea.

### I. Arautegia

<b>3. Artikulua</b>	<b>Zenbat euskaltzain</b>
---------------------	---------------------------

### Indarrean zegoena

Hogeita lau euskaltzain osoz, euskaltzain urgazlez eta euskaltzain ohorezkoz osatua da Euskaltzaindia. Euskaltzain urgazle eta ohorezkoentzat ez da muga jakinik.

**Argomaizen onetsia**

Hogeita lau euskaltzain osoz, euskaltzain emerituz, euskaltzain urgazlez eta euskaltzain ohorezkoz osatua da Euskaltzaindia. Euskaltzain urgazle eta ohorezkoentzat ez da muga jakinik.

**4. Bis artikulua****Euskaltzain emerituen izaera****Argomaizen onetsia**

Euskaltzain emeritu mailara, ezintasunagatik edo adinagatik euskaltzain oso direnak pasatuko dira. Emerituek euskaltzain osoaren kideko maila gordeko dute. Barne Erregeletan garatuko dira euskaltzain emerituekiko xehetasunak.

**6. Artikulua****Idazkariordea eta kudeatzailea****Indarrean zegoena**

Idazkari ordeko bat ere izenda daiteke, alogeraz ordaindua. Hau ez da euskaltzain osoa izango.

**Argomaizen onetsia**

Idazkariorde eta kudeatzaile bat izenda daitezke, alogeraz ordainduak. Hauek ez dira euskaltzain osoak izango.

**13. Artikulua****Idazkariordearen zereginak****Indarrean zegoena**

Idazkariordeari dagokio:

- a) Idazkaria falta denean, haren lanak egitea.
- b) Euskaltzaindiaren etxean zeregin arrunten arta izatea.
- c) Bulego arazoak aitzinatzea, euskaltzainburu, buruorde, idazkari, diruzain edo bibliotekariaren oniritziaz, gaiak nola diren.
- d) Euskaltzainburuaren aginduz, joan den batzarreko akta eta heldu deneko deia, erabiliko diren gaien zerrendaz, batzarkide guztiei bidaltzea.
- e) Ordezkaritzetako lanak koordinatzen idazkariari laguntzea.

**Argomaizen onetsia**

Idazkariordeari dagokio:

- a) Idazkaria falta denean, haren lanak egitea.
- b) Bulego arazoak aitzinatzea, euskaltzainburu edota idazkariaren oniritzi-az, gaiak nola diren.
- c) Euskaltzainburuaren aginduz, joan den batzarretako akta eta heldu de-  
neko deia, erabiliko diren gaien zerrendaz, batzarkide guztiei bidaltzea.
- d) Ordezkaritzetako eta lan-taldeen lanak koordinatzen idazkariari lagun-  
tzea.

**13. Bis artikulua****Kudeatzailearen zereginak****Argomaizen onetsia**

Kudeatzaileari dagokio:

- a) Diruzaina falta denean, haren lanak egitea.
- b) Bulego arazoak aitzinatzea, euskaltzainburu edota diruzainaren oniri-  
tzi-az, gaiak nola diren.
- c) Euskaltzaindiaren etxeetan zeregin arrunten arta izatea eta langileen ar-  
dura kudeatzea.
- d) Ordezkaritzetako eta lan-taldeetako langileen ardura laborala kudeatzea.

**17. Artikulua****Batzar arruntak eta bereziak****Indarrean zegoena**

Erakundearen bilkurak ohikoak eta ohiz kanpokoak izango dira, barren-  
goak eta agerikoak. Hilabete oro, ahal dela, ohiko barren-  
go bat egin-  
go da, eta euskaltzain oso guztiak joatera behartuak daude, eta joaterik ez  
baldin badute, ezin etorria agertu behar dute.

**Argomaizen onetsia**

Erakundearen batzarrak ohikoak eta ohiz kanpokoak izango dira, barren-  
goak eta agerikoak. Hilabete oro, ahal dela, ohiko barren-  
go batz-  
go da, euskaltzain oso guztiak joatera behartuak daude, eta joaterik ez bal-  
din badute, ezin etorria agertu behar dute. Euskaltzain emerituak ez daude  
ohiko barren-  
go batz-  
go da. Artikulu honen zehaztapena Barne Erregeletan garatuko da.

<b>22. Artikulua</b>	<b>Ezin etorrian (bozketa ahalmena)</b>
----------------------	---

**Indarrean zegoena**

Batzarrera ez etortzeko arrazoi taxuzkoa duten euskaltzain osoek beren botoa idatziz nahiz beste euskaltzain oso baten bidez (hartarako ahala honi emanez) igor dezakete. Iritziak berdin agertzen badira, euskaltzainburuak izanen du azken hitza.

**Argomaizen onetsia**

Batzarretara ez etortzeko arrazoi taxuzkoa duten euskaltzain osoek beren botoa idatziz edo beste euskaltzain oso baten bidez (hartarako ahala honi emanez) igor dezakete. Euskaltzain emerituek ezin dezakete bozketa ahalmen hori erabil. Iritziak berdin agertzen badira, euskaltzainburuak izanen du azken hitza.

<b>33. Artikulua</b>	<b>Euskaltzain osoen hutsunea</b>
----------------------	-----------------------------------

**Indarrean zegoena**

Euskaltzain osoen hutsuneak ohiko bilkuran jakinaraz bitez, eta hutsuneok hornitzeko proposamenak horren hurrengo bi batzarretan aurkeztu ahal izango dira.

**Argomaizen onetsia**

Euskaltzain oso baten heriotzagatik, edota ezintasun ala adinagatik emeritu mailara pasatu delako, euskaltzain osoen hutsuneak gertatzen direnean ohiko batzarrean jakinaraz bitez, eta hutsuneok hornitzeko proposamenak horren hurrengo bi batzarretan aurkeztu ahal izango dira.

## II. Barne-Erregelak

Arautegian egindako aldaketetatik eratorzen diren aldaketak egin behar dira Barne-Erregeletan.

<b>3. Artikulua</b>	<b>Zenbat euskaltzain</b>
---------------------	---------------------------

### Indarrean zegoena

Arautegiaren hirugarren artikulua dioenez, hogeita lau euskaltzain osoz, eta euskaltzain urgazleez eta euskaltzain ohorezkoek osatua da Euskaltzaindia.

### Argomaizen onetsia

Arautegiaren hirugarren artikulua dioenez, euskaltzain osoez, euskaltzain emerituez, euskaltzain urgazleez eta euskaltzain ohorezkoek osatua da Euskaltzaindia. Euskaltzain osoak hogeita lau izango dira. Emerituak, ordea, gehienez, haren bat, zortzi izan daitezke.

<b>4. Bis artikulua</b>	<b>Euskaltzain emerituak</b>
-------------------------	------------------------------

### Argomaizen onetsia

Euskaltzain emerituak dira:

- Hirurogeita hamabost urte bete dituztenak;
- Hirurogeita hamar urte bete dituztenak eta, bere borondatez, emeritu izatea erabaki dutenak;
- Bere burua euskaltzain osoari dagozkion eginkizunak betetzeko ezindurik ikusten badu eta, idatziz hala adierazita, osoko bilkurak, gehiengo osoz, onartzen badu.

<b>6. Bis artikulua</b>	<b>Euskaltzain emerituen eskubideak</b>
-------------------------	---

### Argomaizen onetsia

- Euskaltzain emerituek euskaltzain osoen eskubide guztiak gordetzen dituzte, baina ez dute erakunde ardura betebeharririk.
- Euskaltzain emerituek osoko bilkuretan, nahiz batzordeetakoetan parte hartzeko eskubidea dute, ahots eta botoarekin, halaber Euskaltzaindiaren *Iker* edota *Jagon* Sailetako egitasmoetan.
- Euskaltzain emerituek erakundearen karguetarako hautagai eta hautesle izan daitezke, baina ahala inori ezin diete eman.

**13. Bis artikulua****Bulego arazoan aitzinatzea****Argomaizen onetsia**

Arautegiaren 13. eta 13. bis artikuluen arabera, ahal delarik, aste oro, bulego arazoak aitzinatzeko eta eskuarteko gai arrunten zama arintzeko, euskaltzainburua, idazkaria eta diruzaina, idazkariordearekin eta kudeatzailearekin bil daitezke.

**19. Artikulua****Idazkariorde eta kudeatzailea****Indarrean zegoena**

Zuzendaritzaren bileretan idazkariordeak parte hartuko du.

**Argomaizen onetsia**

Zuzendaritzaren bileretan idazkariordeak eta kudeatzaileak, botorik gabe, parte hartuko dute.

**Xedapen gehigarria**

*Euskaltzaindiak bere barne ibilbidean gizon eta andreen berdintasunerako politikak sustatuko ditu.*

**Azken xedapenak**

1. Arautegi eta Barne-Erregelen eraldaketa hau indarrean jarriko da Estatuko Buletin Ofizialean argitaratu eta biharamunean.
2. Arautegia eta Barne-Erregelak indarrean jarri eta lehen osoko bilkuran, 75 urte bete dituzten euskaltzain osoak emeritu egoerara igaroko dira jaiotze dataren arabera.
3. Arautegi eta Barne-Erregelak indarrean jarri eta lehen urtean, gehienez, lau euskaltzain oso berri izendatu ahal izango dira, euskaltzain oso batzuk emeritu egoerara igarotzearen ondorioz.

Epe honen ostean, urte bakoitzeko, gehienez ere, bi euskaltzain oso berri izendatu ahal izango da, euskaltzain osoak emeritu egoerara igarotzearen ondorioz.

**4. Quorum ondorioetarako, honako artikulua eransten zaie Barne-Erregelei:**

*59.bis. Arautegi eta Barne-Erregelen ondorioetarako, quorum eta gehiengoak, betiere, euskaltzain oso eta bilerara bertaratu diren euskaltzain emerituen kopurua zenbatuta egingo da.*